



«БЕКІТЕМІН»

Ақтау облысының білім басқарма басшысының м.а.

А. Курманова

» 14 маусым 2026 ж

## Оқушылар арасындағы республикалық пікірсайыс турнирінің облыстық кезеңін өткізу ережесі

### 1-тарау. Жалпы ережелер

1. Оқушылар арасындағы республикалық пікірсайыс турнирінің облыстық кезеңін (бұдан әрі – Турнир) өткізу ережесі мақсатын, міндеттерін, оны өткізу және қаржыландыру тәртібін анықтайды.

2. Ережеде қолданылатын ұғымдар:

1) бэллот – ойын қорытындылары жазылған төреші парағы;

2) кейс – шешімді талап ететін нақты фактілерге негізделген проблемалық жағдайдың сипаттамасы;

3) клэш – салыстырудағы екі ойдың қактығысы;

4) POI – қарсылас команда спикерінің сұрағы, түсініктемесі, пікірі, түсіндіру туралы өтініші;

5) ребатл – қарсыластың сөздерін теріске шығару, қарсы дәлелдер мен деректер келтіру;

6) резолюция – дебаттағы пікірталас мәселелерінің негізгі тақырыптары;

7) тайм-кипер – бұл спикерлердің сөз сөйлеу уақытын белгілей отырып, ойын ережесінің сақталуын қадағалайтын адам;

8) tabbucal – барлық ірі халықаралық жарыстарда, оның ішінде әлем және Еуропа чемпионаттарында қолданылатын жеребе тарту құралы, көп функционалдылығы мен қолданушылар үшін ыңғайлы болуы арқылы аналогтарынан асып түседі;

9) фидбэк – дебат раунды бойынша төреші шешімінің логикасын спикерлерге түсіндіру;

10) флоушит – ойын барысында төреші толтыратын спикердің ақпараты туралы парак.

3. Турнирдің мақсаты: білім алушылардың бойында азаматтық ұстанымды, өзінің және қоғам алдында өз іс-әрекеттері үшін жауапкершілікті қалыптастыру, елде байқалатын өзекті жағдайларды талдау және жариялы талқылау арқылы шығармашылық және сыни ойлау қабілетін дамыту.

4. Турнирдің міндеттері:

1) жалпы мәдени ой-өрісін кеңейту, білім беру ұйымдары білім алушыларының арасында академиялық білім деңгейін көтеру, шешендік сөйлеу өнері дағдыларын және сендіру әдістерін қалыптастыру, зияткерлік, шығармашылық қабілеттерін, зерттеу, ұйымдастыру дағдыларын, коммуникативтік біліктерін дамыту;

2) қазақстандық қоғамда орын алған өзекті мәселелі жағдайларды талдау мен көпшілік алдында талқылау арқылы білім алушылардың позитивті, сыни ойлауын, жүйелі талдау дағдыларын, өз көзқарастарын, нақты мәселелерді шешу жолдары мен тетіктерін табу, дәлелдеме жасау өнерін қалыптастыру, парламенттік мәдениет элементтерін дамыту;

3) білім алушылардың демократиялық қоғамдағы азаматтық көзқарастары мен өмір сүру дағдыларын қалыптастыру, отансүйгіштік сезімін тәрбиелеу, туған өлкенің, елдің мәселелерін талқылау және шешудегі жауапкершілік, қатысушылық сезімін қалыптастыру;

4) педагогтерді балалар мен жастарды өзекті қоғамдық саяси тақырыптарды талқылауға тарту, азаматтық көзқарастарын дамыту және конструктивті диалог пен пікірталасты жүргізу мәдениетін қалыптастыру жұмыстарын жандандыру;

5) оқушылар мен студенттер арасында зияткерлік жарыстар мен сындарлы пікірсайыстарды насихаттау, пікірсайыс клубтары мен педагогтар арасында тәжірибе алмасуға жәрдемдесу.

5. Республикалық пікірсайыс турнирінің облыстық кезеңі Қазақстан Республикасы Оқу-ағарту министрлігінің тапсырысы бойынша **күндізгі (офлайн) форматта** өткізіледі.

6. Облыстық пікірсайыс турнирін ұйымдастырушылар ұйымдастыру комитетінің және төрешілер құрамын қалыптастырады, облыстық пікірсайыс турнирін өткізеді және қорытындысын шығарады.

## 2-тарау. Турнир кезеңдерін өткізу уақыты мен орны

7. Турнир:

1) **2026 жылғы 04 наурызда Семей қаласында өтеді.**

Хатқа қосымша:

1) өтінім, қатысушылар туралы мәліметтер (туу туралы куәлік немесе жеке куәлік бойынша толтырылған Т. А., туған жылы, сыныбы, оқу орны, команданың аталуы, лига тілі, үйінің мекенжайы, телефоны);

2) қазақ, орыс және ағылшын лигалары командалары жаттықтырушысының Т. А. Ә., жұмыс орны, лауазымы, ұялы телефоны;

4) топ жетекшісіне жауапкершілік жүктеу туралы бұйрық.

## 3-тарау. Турнирге қатысушылар

8. Турнир екі кезеңде өткізіледі:

1) бірінші кезең (іріктеу) – өңірлік:

мектепшілік Турнир;

аудандық (қалалық) Турнир (турнирлер санын жергілікті ұйымдастыру комитеті анықтайды);

турнирдің облыстық кезеңі (турнирлер санын облыстық ұйымдастыру комитеті анықтайды);

2) екінші этап – Республикалық турнир.

9. Мектепшілік турнирдің жеңімпаз командалары аудандық (қалалық) турнирлерге қатысады. Облыстық турнирлерге аудандық (қалалық) турнирлердің жеңімпаздары қатысады.

10. Облыстық турнирге аудандық/қалалық кезеңдердің жеңімпаздары – жалпы орта білім беру ұйымдарының **9-11 (12) сынып** оқушылары қатысады.

11. Облыстық турнирге қатысушылар әр аудан/қала бойынша **9** оқушы: қазақ тілінде – 3 адам; орыс тілінде – 3 адам; ағылшын тілінде – 3 адам.

12. Турнирге әрбір қатысушы іс-шара өткізілетін жерге барар жолда, оны өткізу кезінде және тұрғылықты жеріне қайтар жолда өз заттарының сақталуына жауапты болады.

13. Турнир өткізілетін жерге барар жолда, іс-шараны өткізу кезінде және тұратын жеріне қайтар жолда білім алушылардың өмірі мен денсаулығының қауіпсіздігі үшін жауапкершілік топ жетекшісіне жүктеледі.

**14. Топ жетекшісінде келесі құжаттар болуы керек:**

1) білім алушыларды облыстық турнирге қатысуға жіберу және топ жетекшісіне жауапкершілік жүктеу туралы білім басқармасы басшысы бұйрығының көшірмесі;

2) қатысушылар туралы мәліметтер (туу туралы куәлік немесе жеке куәлік бойынша толтырылған Т. А., туған жылы, сыныбы, оқу орны, команданың атауы, лига тілі, үй мекенжайы, телефоны, жеке куәлік бойынша жаттықтырушының Т. А. Ә. (толық), байланыс телефондары);

3) дәрігердің қолымен және мөрімен расталған қатысушының денсаулық жағдайы туралы анықтама;

4) қатысушылар мен жетекшілердің қауіпсіздік шараларымен таныстыру парағы (нұсқама) (4-қосымша).

#### 4-тарау. Турнирді өткізу тәртібі

15. Турнирдің өңірлік кезеңдерін өткізу бойынша ұйымдастыру комитеттері осы ережеге сәйкес турнирлерді өткізу шарттары мен тәртібін дербес айқындайды.

16. 9-11 (12)-сыныптардың білім алушылары үшін Турнир кезеңдері **дүниежүзілік мектеп форматы (WSDC)** бойынша өткізіледі (2-қосымша).

17. Турнир екі айналымда өткізіледі. Бірінші айналым – іріктеу раундтары. Екінші айналым – негізгі ойындар: ширек финал, жартылай финал және финал.

Бірінші күні іріктеу ойындары **4 раундтан** құралады. Әр раундқа бір қарар беріледі. Іріктеу ойындарында қарсылас командалар *tabbucat* арнайы бағдарламасы бойынша іріктеледі.

Іріктеу ойындарының төртінші раунды аяқталғаннан кейін негізгі ойындарға дайындық жүргізіледі. Ол үшін әр команданың төрт раундтағы нәтижелері жазылады, ұпайлардың жалпы саны есептеледі және оларды қосу арқылы пікірталасқа қатысушылардың әрқайсының дәрежелері анықталады. Жалпы нәтижесі жиынтық ведомосіне енгізіледі. Іріктеу ойындарының нәтижелері жарияланғаннан кейін ширек финалға шыққан командалар анықталады. Ширек финалға әр тіл тобы бойынша іріктеу кезеңінің жеңімпаздары шығады.

Ширек Финалда командаларға бір қарар беріледі. Ширек финалдың қорытындысы бойынша жартылай финалға әр тіл тобы бойынша жеңімпаз командалар шығады. Жартылай финалдың жеңімпаздары финалда кездеседі.

18. Командалардың тақ саны келген жағдайда, жеребе бойынша бір команда «демалады». Өткізілген раунд үшін демалған команда командалық балл мен орташа спикерлік балды автоматты түрде алады.

19. Төрешілікті пікірсайыс клубтарының тәжірибелі дебатерлері арасынан төрешілер алқасы жүзеге асырады. Төрешілер алқасы турнирдің бас төрешісін сайлайды. Турнир бас төрешісінің пікірсайыс нәтижелеріне қатысты шешімі қалған төрешілердің нәтижелерімен бірдей ескеріледі. Турнир кестесін Бас төреші жасайды.

20. Турнирдің Бас төрешісінің қарауы бойынша әр раунд үшін төрешілер алқасы бір адамнан бес адамға дейін бола алады.

Олардың біреуі бас төреші болып анықталады, ол Ережеге сәйкес пікірсайысқа қатысушыларды сахнаға шақырады, наразылық туралы мәлімдемелерді қарайды, спикерлерді өз орындарын алуға шақырады және бір тайм-киперді анықтайды. Тайм-кипер дебатқа қатысушылардың сөз сөйлеуге бөлінген уақытты қалай қолданатынын қадағалайды.

21. Ойыншылар үшін ақпараттың жалғыз көзі – серіктесі және өздерімен бірге әкелген кез-келген жазбаша материалдар. Ойын барысында интернеттен ақпарат іздеуге, ЖИ-ті қолдануға және жалпы электронды құрылғыларды пайдалануға рұқсат берілмейді.

22. Турнир кезінде әр төреші балл мен түсініктемелерді төрешінің парағына енгізеді (3-қосымша). Төреші раундтың жалғыз және өкілетті төрешісі және оның шешімі түпкілікті болып табылады.

Егер турнирде төрешілер алқасы кемінде 3 төрешіден құралса, бұл жағдайда олар өз шешімдерін 15 минут ішінде бір-бірімен талқылайды, ал төрешілердің көпшілігі дауыс берген командаға жеңіс беріледі.

Пікірсайыстар аяқталғаннан кейін төрешілер пікірсайыстарға жалпы баға береді, қабылданған шешімді түсіндіреді және жақсарту қажет болатын сәттерді көрсетеді.

23. Төрешілік өлшемдері:

- 1) өзектілігі;
- 2) дәлелденуі;
- 3) маңыздылығы;
- 4) салыстыру.

24. Жеңімпаздар командалық және жеке спикерлік сынақтарда анықталады. Жеке раундта жеңіске жеткені үшін команда 1 ұпай, жеңілгені үшін – 0 ұпай алады.

Спикерлік баяндамалар 1-ден 100-ге дейін бағаланады.

Балл саны бойынша әр жас санатындағы тілдік топтар бойынша турнирдің үздік спикері анықталады.

25. Турнирді ұйымдастырушылар кабинеттерге барып, ойын барысын бақылайды. Әр тур аяқталғаннан кейін бас төреші командаларды келесі турға бөледі, қарарларды жариялайды және қатысушыларды бір кабинеттен екіншісіне ауыстырады.

26. Төрешілердің шешімі жарияланғаннан кейін командалар келесі ойындарда ескерілетін пікірлерін қалдыра алады.

### **5-тарау. Қатысушыларды марапаттау**

27. Турнирдің қорытындысы бойынша төрешілер алқасы жеңімпаздарды анықтайды. Жеңімпаздар I, II, III дәрежелі дипломдармен (жетекшісінің аты-жөні көрсетілген) және сыйлықтармен марапатталады. Турнирге қатысушыларға сертификаттар тапсырылады.

Сонымен қатар, Турнирдің қатысушылары «Үздік спикер», «Үздік оратор» қосымша номинациялары бойынша дипломдармен және сыйлықтармен марапатталады.

### **6-тарау. Облыстық Турнирді қаржыландыру**

28. Турнирдің облыстық кезеңін жергілікті атқарушы органдар қаржыландырады.

29. Облыстық кезеңге қатысушылардың іс-шара өткізілетін жерге бару және кері қайту жол ақысы, жолдағы тамақтануы, топ жетекшісінің іссапар шығыстары – жіберуші тараптың есебінен төленеді.

Ережеге 1-қосымша

**Оқушылар арасындағы облыстық пікірсайыс турниріне қатысу туралы өтінім**

№ р/с	Қатысушының аты-жөні туу туралы куәлік немесе жеке куәлік бойынша (толық)	Қатысушының туған күні	Білім беру ұйымы, сыныбы	Команда аталуы	Лига тілі	Тұратын мекен-жайы (облыс, қала, ауыл, көше, үй, пәтер номері, телефоны)	Жаттықтырушының аты-жөні жеке куәлік бойынша (толық), телефоны	Топ жетекшісінің аты-жөні жеке куәлік бойынша (толық), телефоны
1	2	3	4	5	6	7	8	9

Ережеге 2-қосымша

**Дүниежүзілік мектеп форматы (WSDC)**

Дүниежүзілік мектеп форматы – екі команда (пропозиция және оппозиция) қорғайтын позицияны қабылдауға төрешіні сендіруге тырысатын формат.

Осы форматқа сәйкес әр команда 3 спикерден құралады.

Дайындық кезінде командалар сырттан көмек ала алмайды, басқа спикерлермен, командалармен, жетекшілерімен, жаттықтырушылармен және т.б. сөйлесе / кенесе, Интернетті пайдалана алмайды.

Командалар тек басып шығарылған материалдарды пайдалана алады.

Ойынға әр командадан 3 спикер қатысады, команда төрешіге спикерлердің ойын алдында сөйлеу тәртібі туралы хабарлауы керек. Ойын басталғаннан кейін командалар спикерлердің сөйлеу тәртібін өзгертуге құқығы жоқ.

Команда қорытындылаушы спикерін анықтауы тиіс. Үшінші спикер қорытындылаушы спикер бола алмайды, тек бірінші немесе екінші спикер ойынды қорытындылайды.

Спикерлердің сөз сөйлеу тәртібі:

- 1) үкімет командасының бірінші спикері;
- 2) оппозиция командасының бірінші спикері;
- 3) үкімет командасының екінші спикері;
- 4) оппозиция командасының екінші спикері;
- 5) үкімет командасының үшінші спикері;
- 6) оппозицияның үшінші спикері;
- 7) оппозиция командасының командасының қорытындылаушы спикері;
- 8) үкімет командасының қорытындылаушы спикері.

#### **Командалардың негізгі функциясы**

##### ***Пропозиция / Үкімет:***

Қарарды нақты және әділ тұжырымдауы керек (сонымен қатар қажет болған жағдайда модель/механизм беру керек);

қазіргі қалыптасқан мәселелерді (Status Quo) сипаттап, анықтауы керек, сонымен қатар мәселелерді шешуге бағытталған конструктивті дәлелдер ұсынуы керек.

##### ***Оппозиция:***

қарарға қарсы тұру керек;

өзінің кейсін тек Үкіметтің дәлелдерін жоққа шығару негізінде бере алады;

өзінің конструктивті дәлелін ұсына алады;

қарсы модельді ұсына алады және ресурстардың бірдей мөлшерін талап етеді.

##### ***Спикерлердің негізгі функциялары:***

###### ***Үкіметтің / Пропозицияның бірінші спикері (8 минут) міндетті:***

қарарға анықтама беру, сондай-ақ қажет болған жағдайда модель енгізу;

пікірсайыс фреймингін анықтау және үкімет жағы не қорғайтынын көрсету;

конструктивті материал жасау.

###### ***Оппозицияның бірінші спикері (8 минут) міндетті:***

қажет болса, дефиницияға қарсылық айту (ескерту: анықтамаға тек төтенше жағдайларда ғана қарсы шығуға болады);

оппозицияның позициясын белгілеу (оппозиция нені қорғайды), қажет болған жағдайда контр-модель келтіру;

үкіметтің дәлелін жоққа шығару;


конструктивті материал енгізу.

###### ***Үкімет / Пропозиция және оппозицияның екінші спикерлері (8 минут) міндетті:***

оппозицияның дәлелдерін жоққа шығару;

бірінші спикер ұсынған дәлелдерді қорғау;

жана конструктивті материал беру және өз позициясының кейсін кеңейту.



**Үкімет / Пропозиция және оппозицияның үшінші спикері (8 минут) міндетті:** пікірталастардағы негізгі дауласу нүктелерін ұсынады (командалар не туралы дауласқан?);

олар өз кейсін дәлелдеуді, теріске шығаруды, өздерінің жеңіске жету себебін көрсету үшін дәлелдерді салыстыруды ұсынады;

үшінші спикер жаңа конструктивті дәлелдер енгізбеуі керек.

**Қорытынды сөздер (4 минут):**

қорытынды сөздерді команданың тек бірінші немесе екінші спикері ұсына алады; қорытынды сөз – бұл командалар пікірталасты жеңу себебін түсіндіретін «бір жақты төрешілік»;

екі команданы салыстыра отырып, сонымен қатар бұл пікірталасты өз командасының жеңу себебін спикердің түсіндіруін қамтитын пікірталасқа толық шолу.

**WSDC форматының негіздері.**

*Резолюция:* пікірталас раундының тақырыбы. Үкімет / пропозиция тақырыпты қолдайды / келіседі, ал Оппозиция тақырыпты жоққа шығаруы / қолдамауы керек.

*Ақпараттық таныстырылым:* кейбір жағдайларда ақпараттық таныстырылым қарардағы кейбір ойларды түсіндіреді. Ақпараттық таныстырылымда көрсетілгендердің барлығын турдағы шынайы ақпарат деп қабылдау керек, сондықтан командалар ақпараттық хабарламаның мазмұнымен дауласуға құқылы емес.

*Нақтылау:* қарар жарияланғаннан кейін қатысушылар Бас төрешіден нақтылауды сұрауға құқылы. Жаттықтырушылар, қамқоршылар және ата-аналар емес, қатысушылардың өздері нақтылау сұрақтарын қоя алады.

*Үкімет пікірталастың маңыздылығын анықтауы керек:*

а) командалар қарардағы сөздердің мағынасын бұрмаламауы тиіс;

б) қарар ауқымы тар ашылмауы керек;

в) командалар қарардағы іс-әрекеттің орны мен уақытын анықтамауы тиіс.

**WSDC форматының негіздері: POI.**

POI – қарсыластардан қысқаша түсініктеме / теріске шығару / сұрақ.

POI спикерге қойылады және сұраққа тек спикер жауап бере алады.

POI қай уақытта ұсынылады:

1) 1-ші және 7-ші минут аралығында;

2) дебаттың тек конструктивті бөлігінде (қорытынды сөздердегі POI рұқсат етілмейді).

Сөз сөйлеуші Спикер POI қабылдаудан бас тартуы мүмкін, бірақ әр спикерге 2 POI немесе кем дегенде бір POI алуға кеңес беріледі.

Егер спикер POI қабылдаудан бас тартса, келесі POI-ды 15 секундтан кейін ғана ұсынуға болады.

POI ұзақтығы – 15 секунд.

**Төрешілік.**

Төреші – бейтарап, адал, объективті, жалпы орта білімі бар, пікірсайыс технологияларын меңгерген адам. Төрешілерге шешім шығаруға 7 минут, басқа төрешілермен талқылауға 10 минут және ойыншыларға өз шешімін түсіндіруге 10 минут беріледі.

*Бағалау өлшемдері:*

берілген дәлелдердің сапасы (мазмұны);

айкындық, шыншылдық, сөйлеу стилі;

стратегия (дәлелдерге басымдық беру, қарарды түсіндіру).

*Төрешілік үдерісі:*

пікірсайыс барысында ойыншылар сөзін жазып алу;

маңызды клэштерді (ойларды) анықтау және саралау;

жеңімпаз және жеңілген команданы анықтау;

әр ойыншыға спикерлік балл қою;

беллот тапсыру;  
ойыншыларға фидбэкті (шешімді) түсіндіру;  
кажет болса, әр ойыншыға фидбэкті (шешімді) жеке түсіндіру.

**Спикерлік ұпайлар.** Спикерлік ұпайлар 1-3 спикерлерге төмендегі кесте бойынша қойылады. Сарапшылардың ұпайлары екіге бөлінеді.

<b>Стандарт</b>	<b>Жалпы (/100)</b>	<b>Стиль (/40)</b>	<b>Мазмұны (/40)</b>	<b>Стратегия (/20)</b>
<i>Мінсіз</i>	80	32	32	16
<i>Үздік</i>	76-79	31	31	15-16
<i>Өте жақсы</i>	74-75	30	30	15
<i>Жақсы</i>	71-73	29	29	14-15
<i>Орташа</i>	70	28	28	14
<i>Орташадан төмен</i>	67-69	27	27	13-14
<i>Әлсіз</i>	65-66	26	26	13
<i>Өте әлсіз</i>	61-64	25	25	12-13
<i>Жақсартулар қажет</i>	60	24	24	12

Ережеге 3-қосымша

### **ТӨРЕШІ ПАРАҒЫ**

Раунд № \_\_\_\_\_ Аудитория \_\_\_\_\_ Уақыт: \_\_\_\_\_

Қарар: БП \_\_\_\_\_

Фракция \_\_\_\_\_

Үкімет

Оппозиция

Т.А.Ә

Балы

Т.Ә.Ж.

Балы

ҮЛ  
ҮС

ОЛ  
ОС

Үкімет: жеке пікірлер	Оппозиция: жеке пікірлер

Негіздемелер:

- \_\_\_\_\_
- \_\_\_\_\_

Фракция жеңімпазы: фракция \_\_\_\_\_

үкімет/оппозиция

Төрешінің АЖТ, қолы \_\_\_\_\_

### ФЛОУШИТ

Премьер-Министр	Оппозиция лидері	Үкімет спикері	Оппозиция спикері	Оппозиция лидері
				Үкімет лидері